

Inatsisartut suleriaasianni § 37 naapertorlugu matumuuna Naalakkersuisunut imaattunik apeqquteqaatinik saqqummiussivunga:

Apeqqut:

- 1. Ilimmarfimmi ilinniartut aallartittartut qanoq ukioqartarpat ukiuni kingullerni qulini?**
 - a) Arnat, angutillu immikkoortillugit takussutissat qanoq isikkoqarpat?
 - b) Ilimmarfimmut ilinniarnialernermi kingusinnerpaamik 20-inik ukioqarnissamik piunasaqarnissamut qanoq kinguneqassava?
- 2. Ilimmarfimmi ilinniartut naammassisartut qanoq agguaqatigiisillugu ukioqartarpat ukiuni kingullerni qulini?**
- 3. Ilinniarnertuungorniartut ilinniartut aallartittartut qanoq ukioqartarpat ukiuni kingullerni qulini?**
 - c) Ilinniarnertuungorniartut ilinnialerniarnermut annerpaamik 17-nik ukioqarnissamut piunasaqarnissamut qanoq kinguneqassava?
- 4. Ilinniartut ilinniarnermi saniatigut suliffeqartut qassiuppat?**
 - a) Ilinniakkat suussusaat aallaavigalugit sorlenni ilinniartut suliffeqarneri qanoq isikkoqarpat?
- 5. Ilinniartut atugaat pitsanngorsarniarlugit aasaanerani faaginik tigusinissaq periarfissarsiorneqarsinnaava?**
- 6. Ilinniartut ilinniakkamik ingerlataqartut qassit ilinniagarmorsiaqanngillat?**
- 7. Qiortakkanik peqanngitsut nunani allani ilinniariartornissamut periarfissaqanngitsut periarfissaqalernissaat suliniutigineqarniarpa?**

(Inatsisartutni ilaasortaq Suka K.Frederiksen, Siumut)

Tunngavilersuut:

Ilinniarnep naammassipallanissaanut anguniagaqarneq namminermi ajunngilaq, ilisimavarpulli meeqqat atuarfii ukiuni kingullerni annertuumik ajornartorsiuteqartut, pingaartumik meeqqat atuarfianiit naammassinnillutik angusarinqartartut takutippaat inuussuttuararpassuit ingerlariaqqinneq ajortut, angusaasut pitsaanngimmata.

Ataqatigiissaaraluni ingerlatsinissaq pingaaruteqarsoraara, sinerissami meeqqat atuarfii maanna pitsaanerusumik angusaqarfiunissaanik suliniutit aallartisarneri ilutigalugit ilinniaqqiffinni piusaqaatit sakkortusinissaat tulluanngitsoq isumaqarpunga. Ikaarsaariarnissamut piffisaq pisariaqartinneqartoq sivilisunerusariaqartoq isumaqarpunga.

Isumaqarpunga killilersuineq aqutissaanngitsoq taamaattorli periarfissanik pitsanngorsaaneq, soorlu:

- aasaanerani faginik ingerlatsisinnaanerit
- saniatigut suliffillit suliffimmini suliarisatik pillugit pointinik pissarsisinnaalernissaat pitsanngorsaaviginerisigut, taamaasilluni suliffeqarfinnik suleqateqarneraluni ECTS-nik katersinissaq sakkortusarlugu periarfissarsiorneqarnissaanik.

Ilisimavarput qaffasinnerusuni ilinniarfinni ilinniagarmorsiaqanngitsut nunanut allanut atuariarnissaat periarfissaqartinneqarneq ajortoq, tamannalu ilaatigut ilinniartumut suli annerusumik sivitsor-saanermik kinguneqartarpoq angalassagunik katerseqqaartariaqartarmata.